

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-12313/22-2
Sarajevo, 01.7.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU **o izboru najpovoljnijeg ponuđača**

I

Okvirni sporazum za javnu nabavku – Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova LOT 1, broj obavještenja 422-1-3-105-3-83/22, objavljeno na Portalu javnih nabavki dana 21.6.2022. godine i Ispravka za obavještenje o nabavci broj 422-1-3-105_22 objavljeno na Portalu javnih nabavki BiH dana 03.6.2022. godine i u “Službenom glasniku BiH - Oglasnik javne nabavke”, br.36/22 od 03.6.2022. godine, dodjeljuje se grupi ponuđača „Ado-trans“ d.o.o. Visoko i „Špic beton“ d.o.o. Zenica sa ponudenom cijenom za okvirni sporazum u iznosu od 631.545,57 KM bez PDV-a, odnosno 738.908,32 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se grupa ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti grupa ponuđača moraju biti originalni ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-12313/22 od 26.5.2022. godine Općina Novi Grad Sarajevo pokrenula je otvoreni postupak javne nabavke - Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova LOT 1, broj obavještenja 422-1-3-105-3-83/22, objavljeno na Portalu javnih nabavki dana 21.6.2022. godine i Ispravka za obavještenje o nabavci broj 422-1-3-105_22 objavljeno na Portalu javnih nabavki BiH dana 03.6.2022. godine i u “Službenom glasniku BiH- Oglasnik javne nabavke”, br.36/22 od 03.6.2022. godine.

Zapisnikom o otvaranju ponuda od 21.6.2022. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. „MGBH“ d.o.o. Sarajevo sa ponudenom cijenom za okvirni sporazum u iznosu od 677.208,52 KM bez PDV-a,
2. „Grakop“ d.o.o. Kiseljak sa ponudenom cijenom za okvirni sporazum u iznosu od 745.767,60 KM bez PDV-a,
3. grupa ponuđača „Ado-trans“ d.o.o. Visoko i „Špic beton“ d.o.o. Zenica sa ponudenom cijenom za okvirni sporazum u iznosu od 631.545,57 KM bez PDV-a.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „MGBH“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (d) *tehnička i profesionalna sposobnost - da je ponuđač opremljen neophodnom opremom za obavljanje predmetnih radova: kiper kamion preko 10 t nosivosti - 2 kom, utovarivač -1 kom, kombinovani radni stroj (utovarivač, rovokopač)- 1kom; grejder - 1kom, bager - 1kom, valjak do 2t - 2kom, valjak 2-6t - 1kom, finišer - 1kom, freza za asfalt - 1kom, rezač za asfalt i beton- 1 kom, vibro ploča mase 150-200kg - 1kom, vibro nabijač (skakavac) - 1 kom. Tačkom 3.4.2. (e) propisano je da se navedeno dokazuje na sljedeći način: kao dokaz o obezbijeđenosti opreme dostavlja se izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme, za kamione se dostavljaju važeće saobraćajne dozvole, (original ili ovjerena kopija), a za radne mašine važeća saobraćajna ili upotrebna dozvola (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje.* Uvidom u dostavljenu dokumentaciju ponuđača „MGBH“ d.o.o. Sarajevo konstatovano je da je ponuđač dostavio izvod iz knjige osnovnih sredstava bez označenih pozicija tražene opreme, te da nije dostavio dokaz o obezbijeđenosti/posjedovanju freze za asfalt, a kako je traženo naprijed navedenom tačkom tenderske dokumentacije.

Iz naprijed navedenog razloga utvrđeno je da ponuđač „MGBH“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (d) - tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je izvršila uvidu u preostale dvije ponude i utvrdila da ispunjavaju formalno-pravne uslove utvrđene tenderskom dokumentacijom. Komisija je izvršila i računsku kontrolu ponuda, te utvrdila da nije bilo računске greške.

Shodno naprijed navedenom Komisija je utvrdila preliminarnu rang listu ponuđača koji ispunjavaju kvalifikacione uslove, a prije provođenja e-aukcije. Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 30.6.2022. godine sa početkom u 09:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-105/22 od 01.7.2022. godine, Komisija je utvrdila da nije bilo podnošenja ponuda, odnosno da konačna rang lista izgleda kako slijedi:

1. grupa ponuđača „Ado-trans“ d.o.o. Visoko i „Špic beton“ d.o.o. Zenica sa ponuđenom cijenom za okvirni sporazum u iznosu od 631.545,57 KM bez PDV-a i
2. Grakop“ d.o.o. Kiseljak sa ponuđenom cijenom za okvirni sporazum u iznosu od 745.767,60 KM bez PDV-a.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa grupom ponuđača „Ado-trans“ d.o.o. Visoko i „Špic beton“ d.o.o. Zenica.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (10) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

